

豫言

中華民國六年一月

二十日 星期六

丙辰十二月二十七日

第三號

本報發行所設之

開封馬道街商場

北三層樓

本報緊要啟事一

今日隨報附送嚶社課箋兩張一備書寫燈謎一備書寫詩鐘 賜教者如式書寫封投本報來稿函內不致貽誤推給必將在址詳細開列尤必註明門牌幾號以便致送贈品

本報緊要啟事二

本報歡迎來稿特於發行所內設甄收稿如蒙 賜教將稿封投函內決無貽誤謹將簡章開列於下以備參考

一惠賜稿件必文詞典雅宗旨相合者方能登錄其不登各稿恕不奉還

一投稿登出即行酌贈本報有一人連次投稿贈報延至百期以上者即改贈書籍等物

一投稿須字跡清楚每行二十三字以便付印

一投稿送至商場本報發行所須用信封封固外書豫言報編輯部啟字樣以免與交易函件混淆

一投稿除署別號以備登報外須另書真實姓名詳細住址門牌號數以便致送贈品其願以真姓名登報者並於稿內自行聲明

一投稿以未見刊行者為限如查有已刊之件即停贈品

定閱本報價目

每期售銅幣三枚 預付定價每五十期大洋一元 外埠定報每期寄費郵費五分

代登告白價目

第一期每字大洋五釐連登五期八折連登十期七折連登二十期六折常期對折

江蘇鐵路股票

江蘇鐵路證券

浙江鐵路股票

浙江鐵路證券

開封商場步雲鞋莊收買

元年愛國公債

三年內國公債

四年內國公債

新華儲蓄獎券

開封河道街路北泰記古玩店

特備現洋收買古玩磁器

珍珠字畫早晚不悞

新到各種牙石圖章 並帶篆刻商場北三層樓德記號白

本報發刊辭 (續第二期)

京源夢夢

惟是述玉樹之青葱甘泉見譏於揚子陳盧橘之夏熟上林
騰笑於相如欲假珍以資點綴考之果木則生非其鄉校之
精英則出非其所於辭易為藻飾於義冠無實徵此皆左思
之所厚非而亦本報之所不取

人間肥遯之世天上少微之星洗耳頽川垂綸剡水緣層烟
霞之癖惟欣風月之談武陵之鷄犬皆仙不許妄來俗客秋
水之文章可誦只須嚼得梅花甲子不知心已忘乎魏晉江
湖有約意豈求手聲聞借箸代籌專資廊廟枕流漱石落得
安閒義皇上人尚可推襟送抱洛陽才子實難埽榻相邀痛
哭流涕亦可息矣優遊嘯傲盡歸未來

景緝照臨山川錯峙垂象之天斯著合章之義書堂故義繩
之前飛葛天之浩唱媧簧以後披叢雲之真詞楚騷之御蘭
芬漢賦之綜擘帆氣質馳建安之體虛玄流正始之音莫不
翰藻盈篇琳琅滿紙慨自碑多殒字詩尚白描或博帶莪冠
惟知胡語或桃宗忘祖不恤人言於是斯文傷心於埽地吾
道絕筆於獲麟嗟嗟學在四夷他人竟欲入室文起八代我

輩敢讓當仁所望竹箭有筠毋恥雕蟲小技記取秋蘭為配
庶免見笑大方
已完

文苑

梅花嶺弔史閣部文

文載癸卯江蘇雜誌原報不署作者姓名時民國尚未成立也

巨漢齊近世駢體文欽之一

慨有神靈華胄久淪狐鼠之鄉錦繡江山翻作豺狼之窟四
百兆軒轅舊裔鬱勒同羈七億里夏禹名區腥羶莫滌蠻風
遍扇漢家之儀制何存綴尾依垂唐代之冠裳莫問漫天露
塞獨立之旗不揚大地雲沈自由之鐸誰振穹蒼欲醉我生
不辰是可痛哉噉其泣矣在昔朱明祚窮寰區鼎沸緡綸肆
虐居然討賊之名鬼域多機謬竊復仇之義蛇涎吹雨螫虺
之頭誰犁蔓毒噓烟盧亭之尾孰斷劫復尾且具議祇贖貨
而坐薪大帥擁兵比養威之岬虎坐使遐荒異種蹂躪中原
赤符之運全消黑子之彊日斲人之無良至於斯極則有心
盟金石義薄雲天鰲柱將傾思作巨靈之負麟經早讀首嚴
夷夏之防浩浩江河狂瀾欲障青青松柏歲暮猶存廣宇風
墮孤蓬之心獨轉滄溟究起精禽之石終填為我史閣部者

何其壯與斯時也吳宮花草慶鹿未遊江左衣冠風流無恙
江陵可保猶存蕭瑟之君神京即淪尚有高光之尊河山半
壁仙人留劫外之基金粉南朝故國有重興之礎公乃祇承
屬主撐柱危邦小朝廷高望尺土未甘瓦裂訪梓宮
於眉嶺引劍堪悲拜故寢於鳳陽荆榛待闕君黃持節已當
漢祚之傾道茂守官吏受湘東之命於是樞廷奉職淮右視
師封江上以泥丸沉中流之鐵鎖倉皇誓衆北方膺突豕之
刺棟慨登壇當道作老熊之以思返虞淵之月整頓乾坤誓
翻滄海之波渝除穢惡無如天心已去人謀不臧天子無愁
禍且誤國跋扈者尾大不掉酣嬉者薪厝為安覆巢傾卵之
中箋傳燕子焚屋沉舟之際唱徹春燈此則觸石移山愚公
因而坐隕揮戈落日魯陽為之興悲者矣果爾江空木杪莫
禦飛龍風墜紙為難為墨守靈龜不舉鼓已絕於死聲妖鳥
爭飛人復游其生魄黃龍紫氣爭聞班馬之聲哀雁號猿齊
和守陣之哭公也邱山屹若鋒刃鋸如劍光起兮雍門之頭
未絕男兒死耳睢陽之體終殘梅嶺千秋即是王羅之塚燕
城終古不歸先軫之元陵谷可遷我心匪石風雨如晦鷄鳴
不已可謂映秋霜而愈皎抗夏寔而不晦者矣嗟嗟袍笏何

存山川非古訪廿四橋之故址明月生悲問三百年之皇周
劫灰同盡虎踞龍盤之地夷狄長淪文身斷髮之民馬牛不
若讀嘉定屠城之記髮欲衝冠緒揚州十日之編管將裂血
况今日者天演昭回競爭愈劇盲如政府曾國際之不知嘉
爾羣頑對外交而無術聞自由平等之論切齒尋仇遇高嶺
深目之倫低頭膜拜股吾膏血為保全羶種之謀剪此巖疆
作獻媚外人之策其待吾也若此其對外也若彼猶斯以往
更復何論萬目睚眦黃胤恐無噍類九州茫茫五陵寧有仙
源倘我公地下有靈將毋太息痛恨而不瞑厥視者與雖然
甚弘化碧激哀周義士之心比于剖心作洛邑頑民之氣同
是圓顛方趾誰無義膽忠肝所降在天願靈爽常憑斯宇江
湖滿地問幾時光復神州憑弔荒邱誰效申胥之哭痛傾斗
酒為招屈子之魂辭曰
偉哉史公國民之宗堅鐵作骨赤血填中痛銜國恥氣破空
濛肯隨且虜奪作鬼雄大江滾滾濯此孤忠惟天穹穹貫以
白虹斑竹之址櫻花之峰公賦千載公心無窮靈旗彷彿華
表穹窿魂兮歸來喚起羣豪殲此醜類復我舊邦馨香俎豆
以報我公

詞林

成山返轡

淡軒

梯雲游遍成山勝，緩轡歸來看晚潮。海面濤翻詩思活，嶺頭風送馬蹄驕。撥開岸樹尋來路，帶得村烟渡野橋。天意似嫌人去速，鞭絲時綰柳邊條。

滿江紅

火幼

別叔雨三叔數月中，秋夕枝淡軒拾草已竣，因題此闕。

忠國仗君放懷處，能否猶昔對秋色。眼前樽酒黃花堆，植放鴨池塘餘瓦柳。西陂裙屐空追憶，我如今望月感離羣。中秋夕，詩一卷，反三益，情牛後懷鷄，胸想太傅祠，畔水心亭側。老子豈無經世術，書生亦祿平戎策。漫回頭天際識神州，心如結。

專著

豫東

娼寮分三等，上等居第四巷，中等居會館胡同，下等居五龍

官當清代光緒初年中等娼寮原在覺學對門（今為空地一段旅汴學堂曾作操場）因地臨藩庫驅令他移乃遷至會館胡同至今仍之

菜市在河道街魚市在魚市口二市相連前清宣統時際設巡警道整頓路政以河道街為東西通衢不宜負販載運乃指令遷至徐府坑未幾仍令遷回（第以魚市口為限不准闖入河道街）魚肆菜傭以朝夕更頗滋反對未能實行然亦有願回故地者故至今魚市口徐府坑兩市並行又當時分區設立菜場建築廠棚以便商民惜過往交易者少不廢有廢今各街口菜場牌標猶存惟廠棚多已倒塌矣馬路初有清末陳撫慶龍當時初設巡警議興路政因首築模範馬路於鼓樓街宣示工價令各街商民自行籌款請願由巡警局修理惟迄無應者遲至三四年後仍係官府籌得的款方能晉修各街然鼓樓街以修路獨先因以馳名南北均以豫省有此大街如上海之大馬路北京之大柵欄云（按豫省最繁盛之街道向推土街西大街次之者河道街徐府街若鼓樓街不過三等街道自修馬路後新設商店乃羣趨是街至今論街道富庶者竟首屈一指焉）

花事

花界一覽表 頭等妓館

續第一期

曲坑沿

文靈香 江蘇 二十

錢寶玉 江蘇 十九

高門樓

謝秀珍 山東 二十八

北吳

花翠琴 揚州 十九

花玉琴 揚州 十八

南毛

高桂卿 揚州 十八

小桂子 揚州 十七

小才子 揚州 十七

北秦

劉瑞卿 湖州 二十二

劉翠紅 江蘇 二十

張彩華 清江 二十四

北毛

花玉蘭 揚州 二十三

花秀蘭 揚州 十八

花金枝 揚州 十八

後新居院

吳翠霞 揚州 十八 張金子 揚州 十九

吳翠琴 揚州 十八 李喜鳳 山東 十九

吳翠紅 揚州 十八 楊翠仙 山東 十九

張寶卿 揚州 十八 己完

劇譚

妄言來稿

菊部殆與世道為升降乎昔優人為賤其業為可恥非貧不自給之子弟不學戲也自汪笑儂以伶隱王鐘聲劉藝舟輩排新劇戲曲家遂為一般社會人民所歡迎皮簧至今日沿街肩挑者派多能成聲調又可謂盛行一時矣而揆諸其實則京師伶界後起之英類能自立稱臺柱所寶貴者仍為二三老角（坤角以色重不在此例）何前者賤其業而其學反精今者高其價而其術轉拙耶蓋劇中微奧較諸專門學科為尤難具骨質而無名師不辦焉技名師而不能揣摩神化不辦焉慨自世道日降不究實學而急功近利者衆摩倣名角者僅襲其皮毛一得顧曲者之稱可使不求進步究之今日之名角依樣葫蘆不辨皮毛者有之憶當福芝園（即

福處)前在開封有人詢以天水關諸葛唱中泉三軍傳一
今搗鼓三通文武官俱免送響炮離京句係西皮或二簧當
時福處自誦數遍猶不易決蓋實工差也再劇中與妙無窮
得其一端即可稱雄一時而各伶名妓每成佳耦是亦深有
碍於進步後起之秀如梅蘭芳之不為俗移不戀女色成名
而虛懷若谷(曾記去歲在京觀義務戲梅郎與譚鑫培配
武家坡一齣下場後鑫培當泉責其和孟小茹配戲學滑梅
郎受教惟謹)誠世所罕有然其娼做猶為青衣中之變體
(花衫)不能同陳德林吳彩霞輩為一格甚矣劇之不易
學者或英才而有限教者或萬能而藏奸無感乎名伶難成
而譚鑫培龔雲甫輩為伶界泰斗也

書

話

花鈴來稿

皮簧前部誠盛世之元音大鼓梨花亦人間之雅奏溯自約
哭泉工久擅香名而今相國寺裏各臻極軌花嬌柳媚豔幟
星羅齊女燕姬歌壇林立汪(江桂芬即汪大頭)音譚(譚
譚鑫培即小叫天)字徐翠蘭迴絕岸倫柳思周情楊金喜
自非凡品郭彩雲(即響三省)之矯健活虎生龍李大玉

之温文和風甘露整齊嚴肅杜蘭香(即白菜心)則酷似
孟堅清勁深沉陳三童則儼然子厚杜翠紅淡妝濃抹靡不
宜人徐鳳雲淺笑輕顰均稱絕世老梅挺秀王三妮之音韻
鏗鏘弱柳迎風袁大鈴之神情斌媚金華(傅金華)奔放
鉦鼓齊鳴金玉(楊金玉)安恬芝蘭比潔十歲紅則音節
之妙宛如成人杜大貴則婉麗之中偏毓英氣小家碧玉張
笑卿(即張小七又名金蝴蝶)金秀春(即金二妮)別
具丰神北地胭脂郭杜貞劉鈺鈴倍增韶秀他如杜大景之
嬌脆杜二景之紆徐裴阿六之堅剛王大鳳之圓潤皆能獨
闢奇徑不蹈恒蹊洵可謂花國之名姝書場之翹楚矣余也
粗能詞章未嫻聲律顧曲則才慚公瑾賞音則學愧子期祇
以萬斛工愁藉如花以悅目百年多病假評話以娛情何期
習慣自然遂成偏嗜然而中乏不倚一視同仁茲有懺廣諸
子嬰社羣賢懷倚馬之才擅雕龍之技鎔經鑄史集文苑之
英華採月批風作花叢之南董遂於民國六年一月六日豫
言出版書話名篇金石其聲琳琅滿目余則見獵心喜頌藻
情殷雖經珠玉在前尚冀葑菲見採聊抒愚見敢於月旦之
新評謬附知音勉續風流之佳話

書場內閣

文化日進參政思想普及人心刻有甲乙兩派議就書場人才組織內閣特兩存之以俟公論閣員諸多兼代才難誠可慨也

甲派推舉如下

內閣總理 徐翠蘭

外交總長 楊金喜

內務總長 楊金玉

陸軍總長 總理兼代

海軍總長 郭桂貞

財政總長 總理兼代

司法總長 楊金玉兼代

教育總長 李大玉

交通總長 金胖妮

農工商總長 徐鳳雲

乙派推舉如下

內閣總理 楊金喜

外交總長 李大玉

內務總長 白菜心

陸軍總長 徐翠蘭

海軍總長 杜大景

財政總長 總理兼代

司法總長 楊金玉

教育總長 郭桂貞

交通總長 金胖妮

農工商總長 徐鳳雲

書場消息

此次推舉內閣甲乙兩派勢均力敵將來提交議會尚未知鹿死誰手

徐翠蘭英風俠骨臨厲無前掌理軍政實為眾望所歸故雖推舉總理仍須兼代部務誠以人才缺乏也

楊金玉態度端凝氣宇深沉以故司法總長一席非此公莫屬云

探聞李大玉郭桂貞識字甚多是以均受教育總長推舉

金胖妮素無聲臭此次交通總長一席甲乙兩派竟能合意推舉蓋因金氏前有火車頭雅號是以眾無異議將來必可通過

徐鳳雲手工頗佳所著繡履多出有製實為風塵中不可多得之人才是以農工商總長一席特獲兩派合意推舉

楊氏姊妹於舊曆二十日實行出棚座客雲集時屆四鐘兩先生合奏二曲座客肅靜無譁悉心領受不圖今日望見顏色皆大歡喜而去惟是日收場較早後至者未免向隅然亦徒有怨自艾無敢出後言者

徐氏於舊曆二十一日傍晚接濟寧羽書略稱老親病革催令全眷星夜回濟當即束裝於二十二日午刻搭開徐鐵路東下一般書齋間信至車站相送者冠蓋如雲誠以翠蘭先生德望感人所致云

聞有書界巨子某某多人以徐翠蘭楊金喜楊金玉李大玉
四人色藝出眾為書界增加光榮功德無量因發起一請願
會擬上四人尊號已經大約擬定如下

徐翠蘭 英豔親王

楊金喜 斌豔親王

楊金玉 莊豔親王

李大玉 秀豔親王

請上尊號文正由某君等分別主稿一俟斟酌盡善即行呈
遞云

傅金華弄璋之喜已誌前報據聞舊曆十六日傅曾感開湯
餅喜筵不料十七日小兒夫亡倘能早殤一月可省筵費數
十元矣破財運到殊為扼腕不置云
李大玉於二十日喬遷於吹鼓臺南頭路西陳三童舊宅

文字因緣

第一期詩鐘候

教一月二十七日截止二月三日隨報揭曉

花旦 參冬 分詠格

第一期燈謎候

教一月二十日截止二十七日隨報揭曉

莊烈帝鳴鐘集百官毛詩句一解鈴 咳六才句三不連

三山六水左傳句一 淡掃春山六才句一

家祭秋得醉人歸四子句一 桃源六才句一

謝小娥託傭斬申蘭五言詩句一 做這一弄六才句一

雙鳳里盧牙牌一 大鼓書目一 木食物一

本報成立簡章

一本報命名為豫言

一本報為專載學術藝事之報以保存國學為宗旨聞及軼
聞筆記度詞詩鐘花叢菊部小品文字要皆以詞旨典雅

有關文學者為標準

一本報取材精審組織伊始每星期暫發行一次逢星期六

出版一俟規模粗具再行擴充辦理

一本報用中國建史紙恭楷精印以示維持國貨之意

一本報廣徵投稿另有專章所望同志時錫佳作公諸閱者
以巨不逮